



复次，

97

有法不应生，无亦不应生，

有无亦不生，此义先已说。<sup>1</sup>

凡所有生，为有法有生？为无法有生？为有无法有生？是皆不然，是事先已说<sup>2</sup>。离此三事更无有生，是故无生<sup>3</sup>。

<sup>1</sup> 一、《般若灯论释·观有为相品》云：

有体起无用，无体起无依，  
有无体亦然，此义先已说。

二、《大乘中观释论·观有为品》云：

有法不应生，无亦非道理，  
有无俱不然，前品此已说。

<sup>2</sup> 《中论·观因缘品》云：

[问曰：已总破一切因缘，今欲闻一一破诸缘。

答曰：

若果非有生，亦复非无生，  
亦非有无生，何得言有缘？

若缘能生果，应有三种：若有、若无、若有无。如先偈中说：缘中若先有果，不应言生，以先有故。若先无果，不应言生，以先无故，亦应与非缘同故。有无亦不生者，有无名为半有半无，二俱有过；又有与无相违，无与有相违，何得一法有二相？如是三种求果生相不可得故，云何言有因缘？]

<sup>3</sup> 龙树菩萨于《七十空性论·释论》中亦说：

[复次：

有故有不生，无故无不生，  
违故非有无，生无住灭无。

法若已有，则不从因生；已有，乃名有故。无，亦不从因生，以无故。有无相违亦不得生，不相顺故。如有无相违，其非有非无又岂能生？是相违法故。生无故，住灭亦无。

问曰：佛说有三有为相，谓生、住、灭，又说生时有生，故有为法应有生？

答曰：

已生则不生，未生亦不生，  
生时亦不生，即生未生故。

且已生则非所生，何以故？已生故。故已生者则非所生。





复次，

98

若诸法灭时，是时不应生；

法若不灭者，终无有是事。<sup>4</sup>

若法灭相，是法不应生。何以故？二相相违故。一是灭相，知法是灭；一是生相，知法是生。二相相违法，一时则不然，是故灭相法不应生。

问曰：若灭相法不应生，不灭相法应生。

答曰：一切有为法念念灭故，无不灭法。离有为，无有决定无为法，无为法但有名字，是故说：“不灭法终无有是事。”

问曰：若法无生，应有住。

答曰：

又，未生者亦非所生，何以故？尚未生故。诸未生者则非所生，离生作用、势力，自体非有，故非所生。

又，正生时亦非所生，何以故？此即已生及未生故。若是已生、未生，仍如前说，非是所生；其已生者已生讫故非是所生，其未生者尚未生故，离生用故，无势力故及无体故，非是所生。由离已生、未生，无别第三生时，故亦非所生。]

<sup>4</sup> 一、《般若灯论释·观有为相品》云：

若灭时有起，此义则不然。

法若无灭时，彼体不可得。

二、《大乘中观释论·观有为品》云：

若灭时有生，无体而可得。

若法不灭时，彼体不可得。





不住法不住，住法亦不住，

住时亦不住，无生云何住？<sup>5</sup>

住法亦不住。何以故？已有住故。因去故有住，若住法先有，不应更住。不住法亦不住，无住相故。住时亦不住，离住、不住更无住时，是故住时亦不住。如是一切处求住不可得故，即是无生。若无生<sup>6</sup>，云何有住？

复次，

若诸法灭时，是则不应住；

法若不灭者，终无有是事。<sup>7</sup>

<sup>5</sup> 一、《般若灯论释·观有为相品》云：

未住体不住，住体亦不住，  
住时亦不住，无起谁当住？

二、《大乘中观释论·观有为品》云：

未住体不住，住不住相违，  
住住时不住，此复何有住？

<sup>6</sup> 若无生：《中论·观三相品》的第80偈——90偈之间都在讲说无生相可得。

<sup>7</sup> 一、《般若灯论释·观有为相品》云：

灭时有住者，是义则不然。  
若法无灭时，彼体不可得。

二、《大乘中观释论·观有为品》云：

若灭时有住，彼无体可得；  
住灭二相违，住位中无灭。





若法灭相欲灭，是法无有住相。何以故？一法中有二相相违故，一是灭相，二是住相。一时一处有住、灭相，是事不然，是故不得言灭相法有住。

问曰：若法不灭，应有住。

答曰：无有不灭法。何以故？

101

所有一切法，皆是老死相；

终不见有法，离老死有住。<sup>8</sup>

一切法生时无常，常随逐<sup>9</sup>无常有二，名老及死。如是一切法，常有老死故无住时<sup>10</sup>。

<sup>8</sup> 一、《般若灯论释·观有为相品》云：

彼一切诸法，恒时有老死，  
何等是住法，而无老死相？

二、《大乘中观释论·观有为品》云：

诸法于常时，皆有老死相。  
而有何等法，离老死有住？

<sup>9</sup> 随逐：拼音 suí zhú，跟从；追随。

<sup>10</sup> 《大般涅槃经·圣行品》中说：

[迦叶！世间众生颠倒覆心，贪着生相，厌患老死。迦叶！菩萨不尔，观其初生，已见过患。迦叶！如有女人入于他舍，是女端正，颜貌瑰丽，以好璎珞庄严其身。

主人见已即便问言：“汝字何等？系属于谁？”

女人答言：“我身即是功德大天。”

主人问言：“汝所至处为何所作？”

女人答言：“我所至处，能与种种金银、琉璃、颇梨、真珠、珊瑚、虎珀、车璩、玛瑙、象马、车乘、奴婢、仆使。”

主人闻已，心生欢喜，踊跃无量：“我今福德，故令汝来至我舍宅。”





复次，

102

住不自相住，亦不异相住；

如生不自生，亦不异相生。 11

即便烧香散花，供养恭敬礼拜。复于门外更见一女，其形丑陋，衣裳弊坏，多诸垢腻，皮肤皴裂，其色艾白。

见已问言：“汝字何等？系属谁家？”

女人答言：“我字黑闇。”

复问：“何故名为黑闇？”

女人答言：“我所行处，能令其家所有财宝一切衰耗。”

主人闻已，即持利刀，作如是言：“汝若不去，当断汝命。”

女人答言：“汝甚愚痴，无有智慧。”

主人问言：“何故名我痴无智慧？”

女人答言：“汝舍中者，即是我姊。我常与姊，进止共俱，汝若驱我，亦当驱彼。”

主人还入问功德天：“外有一女，云是汝妹。实为是不？”

功德天言：“实是我妹，我与此妹，行住共俱，未曾相离。随所住处，我常作好，彼常作恶，我常利益，彼常作衰。若爱我者，亦应爱彼，若见恭敬，亦应敬彼。”

主人即言：“若有如是好恶事者，我俱不用，各随意去。”

是时二女，俱共相将还其所止。尔时主人见其还去，心生欢喜踊跃无量。是时二女复共相随至一贫家。

贫人见已，心生欢喜，即请之言：“从今已去，愿汝二人，常住我家。”

功德天言：“我等先以为他所驱，汝复何缘俱请我住？”

贫人答言：“汝今念我，我以汝故，复当敬彼，是故俱请令住我家。”

迦叶！菩萨摩訶萨亦复如是，不愿生天，以生当有老病死故，是以俱弃，曾无爱心。凡夫愚人不知老病死等过患，是故贪受生死二法。】

11 一、《般若灯论释·观有为相品》云：

住异住未住，此义则不然；

如起不自起，亦不从他起。

二、《大乘中观释论·观有为品》云：

住不自相住，异住非道理；

如生不自生，亦不从他生。

三、“如生不自生，亦不异相生”者，如先破生相偈中说：

生生之所生，生于彼本生，

本生之所生，还生于生生。

若谓是生生，能生于本生，

生生从本生，何能生本生？





若谓是本生，能生于生生，  
 本生从彼生，何能生生生？  
 若生生生时，能生于本生，  
 生生尚未有，何能生本生？  
 若本生生时，能生于生生，  
 本生尚未有，何能生生生？  
 如灯能自照，亦能照于彼；  
 生法亦如是，自生亦生彼。  
 灯中自无闇，住处亦无闇，  
 破闇乃名照，无闇则无照。  
 云何灯生时，而能破于闇？  
 此灯初生时，不能及于闇。  
 灯若未及闇，而能破闇者，  
 灯在于此间，则破一切闇。  
 若灯能自照，亦能照于彼；  
 闇亦应自闇，亦能闇于彼。  
 此生若未生，云何能自生？  
 若生已自生，生已何用生？

此处破住相时，可说偈曰：

住住之所住，住于彼本住，  
 本住之所住，还住于住住。  
 若谓是住住，能住于本住，  
 住住从本住，何能住本住？  
 若谓是本住，能住于住住，  
 本住从彼住，何能住住住？  
 若住住住时，能住于本住，  
 住住尚未有，何能住本住？  
 若本住住时，能住于住住，  
 本住尚未有，何能住住住？  
 如灯能自照，亦能照于彼；  
 住法亦如是，自住亦住彼。  
 灯中自无闇，住处亦无闇，  
 破闇乃名照，无闇则无照。  
 云何灯住时，而能破于闇？  
 此灯初住时，不能及于闇。  
 灯若未及闇，而能破闇者，  
 灯在于此间，则破一切闇。  
 若灯能自照，亦能照于彼；  
 闇亦应自闇，亦能闇于彼。  
 此住若未住，云何能自住？  
 若住已自住，住已何用住？





若有住法，为自相住？为他相住？二俱不然。若自相住则为是常，一切有为法从众缘生，若住法自住，则不名有为。住若自相住，法亦应自相住，如眼不能自见<sup>12</sup>，住亦如是。若异相住，则住更有住，是则无穷<sup>13</sup>。

复次，见异法生异相，不得不因异法而有异相；异相不定故，因异相而住者，是事不然。

<sup>12</sup> 《中论·观六情品》云：

是眼则不能，自见其已体；  
若不能自见，云何见余物？  
火喻则不能，成于眼见法；  
去未去去时，已总答是事。

<sup>13</sup> 住若自相住，法亦应自相住，如眼不能自见，住亦如是。若异相住，则住更有住，是则无穷：

如前破生相时《中论·观三相品》中说：

若言生时生，是能有所生，  
何得更有生，而能生是生？  
若谓更有生，生生则无穷，  
离生生有生，法皆能自生。

此处破住相时，可得说偈言：

若言住时住，是能有所住，  
何得更有住，而能住是住？  
若谓更有住，住住则无穷，  
离住住有住，法皆能自住。

